

Ascuta stu cori

Metti la manu nni stu pettu,
ascuta stu cori,
senti comu rutulia,
chistu è amuri pi tia.

Accumencia d'ammatinu,
appena grapu l'occhi
già si senti ca tuppulia
dura finu a notti, voli a tia.

Mi cuminciavu a prioccupari
nun mi pari na cosa normali
bàttiri forti di sta tali manera
pari un trenu cu la ciminera.

Nun si carma finu a quannu vidi a tia
quannu si luntanu nun succedi nenti
comu t'avvicini ricumincia a trippiàri
dùnacci cuntutu nun fallu spasimari.

È un cori granni,
ma no granni pi diri grossu,
granni d'età, perciò sulu nun lu lassu
pirchè cci po vèniri quarchi cullassu.

Ogni unu e du mi dici ca voli a tia,
mi punci pi dritti ca ti voli beni,
ca ti vulissi accarizzari, abbrazzari,
nun po stari cchiù, ti voli vasari.

Stu poviru cori vecchiu pi com'è, vivi
e batti sulu pi tia, si nun ci posi la to
vuccuzza e cci duni tecchia di sciatu,
stu curiceddu mori, resta adduluratu.

Perciò accuntenta stu curiceddu
pirchè 'un nnè cchiù picciutteddu.